



Republika e Kosovës  
Republika Kosova – Republic of Kosovo  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

## RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
<b>Gani Nekaj</b>	<b>11.12.2023</b>	<b>19.12.2023</b>	<b>2023/0988</b>

### BAZA LIGJORE E SHQYRTIMIT

Me datën: 07.12.2023, OE “Gezime S. Gashi B.I.”- Prishtinë, ka parashtruar ankesë me nr: 2023/0988, kundër njoftimit për kontratë, kundër njoftimit për dhënie të kontratës ku është rekomanduar për kontratë OE **“WOOD COMPANY SHPK.”**- Prishtinë, lidhur me aktivitetin e prokurimit: “Furnizim me pelet per ngrohje per nevojat e shkollave” me nr. të prokurimit: "97500-23-10715-1-2-1", iniciuar nga Autoriteti Kontraktues (AK) – AGJENCIA PËR ARSIM DHE AFTËSIM PROFESIONAL DHE ARSIM PËR TË RRITUR. Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e kontratës: 119,700.00 €. Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2023/0988 i dt: 07.12.2023. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

Data e njoftimit për kontratë: 05.10.2023

Afati për dorëzimin e ofertave: 31.10.2023

Procesverbali i hapjes se ofertave : 31.10.2023

Njoftimi mbi Vendimin e AK-se dhe Letrat Standarde-23.11.2023

Kërkesa për Rishqyrtim nga OE **ankues**: 27.11.2023

Vendimi ndaj Kërkeses për Rishqyrtim : 30.11.2023

Ankesa ne OSHP nga OE **ankues** 07.12.2023

## DISPOZITAT E SHKELURA DHE PRETENDIMET ANKIMORE

Pretendimet Ankimore te Operatorit Ekonomik janë:

- Sipas operatorit ekonomik dispozitat e shkelura te Ligji për Prokurim Publik Nr. 04/L-042 nga ana e Autoritetit Kontraktues gjatë vlerësimit te ofetave janë:

- Neni 1 Qëllimi i LPP-së

- Neni 7 Barazia në Trajtim/ Jo-Diskriminimi i LPP-së;

- Neni 27 Dosja e Tenderit i LPP-së;

- Neni 59 Ekzaminimi, Vlerësimi dhe Krahasimi i Tenderëve;

- Neni 68 Gjendja ekonomike dhe financiare i LPP-së;

- Neni 72 Dokumentacioni dhe informacioni shtesë; dhe

- Neni 8 i Udhëzuesit Nr. 001/2023 për Prokurim Publik.

### Deklaratë mbi Faktet dhe Argumentet

Zyrtari Përgjegjës i Prokurimit dhe Komisioni i vlerësimit në Agjencinë për Arsim dhe Aftësim Profesional dhe Arsimin për të Rriturve gjatë procesit të vlerësimit i ka dërguar kërkesë për sqarime OE dhe ka kërkuar sqarime lidhur përmbuushjen e kriterit për qarkullim në shumën 200,000 €.

Ne i kemi ofruar përvec Deklarates Vjetore tatimore në ATK edhe raportin e skanuar dhe të vulosur të nënshkruar nga banka si dhe I kemi dhënë sqarimet tona se Deklarata vjetore tatimore e përmbanë qarkullimin vjetor pa TVSH për arsye të kërkesave ligjore të saj. Si dëshmi tëdokumentuar së RRON 2019 e përmbush qarkullimin e kemi dorëzuar edhe raportin e bankës.

### **Kronologji e aktivitetit të prokurimit**

Në këtë aktivitet të prokurimit kanë ofertuar gjithsejtë 9 operatorë ekonomik. Nga procesi i vlerësimit ishte rekomanduar për kontratë WOOD COMPANY SHPK” me çmim

prej 67,200.00 € me cmim me të lartë se ne OE RRON 2019 që kemi ofertuar më cmim më të lirë.

Neve na ishte dërguar letra standarde për sqarimin e tenderit dhe ne ju kemi përgjigjur duke ofruar dëshmi të dokumentuara.

Aftësim Profesional dhe Arsimin për të Rriturve nuk i ka respektuar dispozitat e LPP dhe legjislacionit sekondar lidhur me kriteret për gjendjen ekonomike dhe financiare, rrjedhimisht sipas Udhëzues Nr.001/2023 për Prokurimin Publik, nenit 8.5 Kriteret e Përzgjedhjes, kërkesat minimale për kualifikim, gjendja ekonomike dhe financiare mundë të plotësohet nga këto dëshmi:

a. Deklaratë adekuate ose deklarata nga një ose më shumë banka; ose

b. Dëshmi të policës relevante të sigurimit të lëshuar nga një kompani e licencuar dhe me

reputacion; ose

c. Kopje të certifikuara të një ose më shumë pasqyrave të bilancit ose pjesë të pasqyrës së bilancit;

ose

d. Kopjet e raporteve financiare dhe raporteve të menaxhimit të certifikuara nga një firmë e njohur

e licencuar për kontrollim apo një auditor i licencuar i pavarur; ose

e. Deklaratat Tatimore Vjetore të dorëzuara në Administratën Tatimore të Kosovës. OE RRON 2019 i ka prezantuar i ka prezantuar Deklaratat Tatimore Vjetore të dorëzuara në ATK me shumën 175,484.27 € dhe e ka informuar AK Agjencinë për Arsim dhe Aftësim Profesional dhe Arsimin për të Rriturve se ky qarkullim në ATK është pa TVSH, kjo për faktin se në ATK nuk prezantohet qarkullimi me TVSH. Për ta siguruar AK se qarkullimi i OE RRON 2019 është më i lartë se vlera e kërkuar e qarkullimit në përgjigje të sqarimeve të kërkuara, ia ka përcjell qarkullimin bankar që dëshmon se OE RRON 2019 i përbush kërkesat për gjendjen ekonomike dhe financiare për aktivitetin e prokurimit “Furnizim me pelet për ngrohje për nevojat e shkollave” me Nr. Prokurimit 97500-23-10715-1-2-1.

Mos marrja për bazë e dëshmive të bankës së OE RRON 2019 e tejkalon qarkullimin e kërkuar nga AK Agjencia për Arsim dhe Aftësim Profesional dhe Arsimin për të Rriturve është shkelje e dipozitave të ligjit për prokurim publik dhe legjislacionit sekondar si dhe e demton buxhetin e AK duke ju dhene oferta OE me cmim me te larte.

Po ashtu, mosmarrja në shqyrtim e raportit të bankës me të cilën dëshmohet se kemi qarkullim për ta përmbushur kriterin e kërkuar në dosjen e tenderit është në kundërshtim me kërkesat e Udhëzuesit Nr.001/2023 për Prokurimin Publik, neni 8.5, pika ii “Shënim për kërkesat e gjendjes ekonomike dhe financiare (neni 68 i LPP-se), e cila thotë “Qëllimi i këtij kriteri është që të vlerësojë nëse tenderuesi ka

stabilitetin e mjaftueshëm financiar dhe ekonomik për të përformuar kontratën e propozuar.

Në përgjithësi, Operatorëve ekonomik u lejohet të plotësojnë këtë kërkesë duke paraqitur, nëse është me rëndësi dhe e nevojshme, një ose më shumë nga referencat e dhëna në vijim:

a. Raportin ose raportet përkatëse nga një ose më shumë banka;

b. Evidencë të një police të sigurimit të lëshuar nga një kompani e njohur e licencuar e sigurimeve;

c. Kopjet e certifikuara të një ose më shumë bilanceve të gjendjes ose ekstrakteve nga bilanci e gjendjes nëse kërkohet publikimi i bilanceve të tillë të gjendjes në kuadër të ligjit në vendin e themelimit të Operatorit ekonomik

d. Kopjet e raporteve financiare dhe raporteve të menaxhimit të certifikuara nga një firmë e njohur e licencuar për kontrollim apo një auditor i licencuar i pavarur; ose

e. Deklaratat Tatimore Vjetore të dorëzuara në Administratën Tatimore të Kosovës ose nga vendi i themelimit.

Mos marrja për bazë e të vërtetës se qarkullimi i ofruar nga OE RRON 2019 sipas raporteve të bankës është mbi 200,000 € dhe se në ATK raportimi i qarkullimit bëhet neto pra pa TVSH, cilësohet edhe si shkelje e rëndë e Zyrtarit të Prokurimit bazuar në nenin 97, paragrafi 1 sepse është shkelje e parimeve themelore përfshijnë, vendosjen e kritereve apo dëshmive jo në përputhje me LPP, trajtim jo të barabart të ofertuesve gjatë ushtrimit të procedurave të prokurimit, dhe sjellje jo profesionale e zyrtari të prokurimit ndaj operatori ekonomik RRON 2019.

Gjithashtu, veprimi i mos trajtimit të qarkullimit sipas LPP, legjislacionit sekondar dhe ligjeve të ATK konsiderohet si tendencë për eliminim nga konkurrenca për bizneset e vogla dhe të mesme.

Ne konsiderojmë së mospërfillja e dëshmime të lejuara me LPP dhe legjislacionin sekondar për ta dëshmuar qarkullimin të cilin e përbushim sipas kërkesave të AK dëmton qëllimin e këtij kriteri dhe parandë publike.

Prandaj kërkojm nga OSHP që të marr sqarime nga ATK dhe banka lidhur me plotësimin e kriterit për qarkullim nga OE RRON 2019 dhe lenden ta kthej ne rivleresim.

Duke u bazuar në të gjitha dëshmitë dhe faktet që u ceken më lartë, konstatojmë se ekzaminimi, vlerësimi dhe krahasimi i tenderëve nuk është bërë në harmoni me nenin 59 të LPP-së, sepse ne i kemi plotësuar kërkesat e dosjes së tenderit dhe jemi OE më cmim më të lirë.

Gjithashtu nuk është respektuar edhe neni 7 i LPP-së, sepse ne jemi diskriminuar duke mos na shpallur fitues edhe pse i kemi plotësuar të gjitha kërkesat e FTD-së dhe të njoftimit për kontratë. Paragrafi 1 i nenit 7 të LPP-së e parasheh qartë që “Autoriteti kontraktues do të trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente”.

Gjatë zhvillimit të kësaj procedure nuk është marr në konsideratë edhe neni 1 i LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Duke u bazuar në dëshmitë që u cekën më lartë, kërkojmë që të nxjerrët:

#### **VENDIM**

APROVOHET, si e bazuar ankesa e OE RRON 2019

ANULOHET njoftimi mbi vendimin e AK-së ( B58 ) dhe lënda të kthehet në

RIVLERËSIM, ndërsa rivlerësimi i ofertave të bëhet sipas dispozitave ligjore të LPP-së dhe konform kërkesave të dosjes së tenderit dhe të njoftimit për kontratë përndryshe ne do të detyrohemi të vazhdojmë me ankesa dhe kundërshtime për këto shkelje në instancat tjera më të larta.

Pretendimet ankimore të parashtruara në ankesën e deponuar në OSHP, janë të njëjta.

## KRITERET PËR VLERËSIM

Në vijim janë paraqitur kriteret e vlerësimit vetëm ato që kanë të bëjnë me pretendimet ankimore.

Kërkesat; Kapaciteti ekonomik financiar

- **Operatori ekonomik pjesëmarrës, duhet të ofrojë dëshmi të kënaqshme Autoritetit kontraktues se qarkullimi vjetor (të hyrat) gjatë tri viteve ( 2020, 2021, 2022 ) kanë qenë në shumë jo më pak se 200,000.00 €. Në rast të pjesëmarrjes së Grupit të OE, Lideri i grupit duhet të përmbushë së paku 60% të këtijë qarkullimi.**

**Dëshmija e Kërkuar**

- **Deklaratat Tatimore Vjetore të dorëzuara në Administratën Tatimore të Kosovës ose nga vendi i origjinës.**

## RAPORTI I KOMISIONI VLERËSUES

Duke u bazuar në raportin e rivlerësimit, komisioni vlerësues ka konstatuar si në vijim:

**Vërejtje përmbyllëse në lidhje me vlerësimin e tenderëve të përgjegjshëm:**

Komisioni i vlerësimit në bazë vlerësimit dhe krahasimit të ofertave, ka konstatuar se për tenderin “Furnizim me pelet për ngrohje për nevojat e shkollave”, janë pranuar 9 oferta-tender dhe në bazë të dokumentacionit të prezantuar 6 (gjashtë) tenderues (2, 3, 4, 6, 8 dhe 9, nga procesverbalet e hapjes) janë të përgjegjshëm, kurse 3 (tre) tenderues (1, 5 dhe 7) janë të papërgjegjshëm.

Duke marrë parasysh se kriter vlerësimi ka qenë tenderi i përgjegjshëm me çmimi më i ulët, komisioni vlerësues u përcaktua që të pranohet oferta e tenderuesit “WOOD COMPANY” SH.P.K., Lagjia Vitija, Marec, Prishtinë, i cili ka ofruar tenderin e përgjegjshëm me çmimin më të ulët në shumë prej 67,200.00 €, prandaj Komisioni i vlerësimit i rekomandon Zyrtarin Përgjegjës të Prokurimit që këtë kompani ta shpërblejë me kontratë.

**INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK**

**VLERËSIMI SIPAS NENIT 4.1.26 TË LPP**

Në mbështetje të nenit 4.1.26 konstatohet se OE ankues"- në cilësinë e operatorit ekonomik ankues është palë me interes.

**VENDIMET E MËPARSHME TË OSHP LIDHUR ME RASTET E NGJASHME**

**ARSYETIMI PËR DEVIJIM NGA PRAKTIKA E MËPARSHME**

**PËRGJIGJE NË PRETENDIMET ANKIMORE TË OE ANKUES - Gëzime S. Gashi B.I.**

**Përgjigje në pretendimi nr.1**

Permes këtij pretendimi operatori ekonomik ankues pretendon se AK-AGJENCIA PËR ARSIM DHE AFTËSIM PROFESIONAL DHE ARSIM PËR TË RRITUR, ka shkelur kritret e perzgjedhjes sipas kërkesave të parapara në dosje të tenderit saktësisht tek Kapaciteti ekonomik financiar.

Në dosje të tenderit si kërkesë tek kapaciteti ekonomik /financuar ka qenë:

**Operatori ekonomik pjesëmarrës, duhet të ofrojë dëshmi të kënaqshme Autoritetit kontraktues se qarkullimi vjetor (të hyrat) gjatë tri viteve (2020, 2021, 2022) kanë qenë në shumë jo më pak se 200,000.00 €. Në rast të pjesëmarrjes së Grupit të OE, Lideri i grupit duhet të përbushë së paku 60% të këtij qarkullimi.**

**Ndërsa dëshmia e kërkuar ka qenë:**

**Deklaratat Tatimore Vjetore të dorëzuara në Administratën Tatimore të Kosovës ose nga vendi i origjinës.**

Operatori Ekonomik ankues ka dorëzuar deklaratën e ATK-së si dëshmi qarkullimi për vitin 2022 ku qarkullimi sipas kësaj deklarate arrin vlerën prej 175,484.27€.

**AK- AGJENCIA PËR ARSIM DHE AFTËSIM PROFESIONAL DHE ARSIM PËR TË RRITUR**, gjatë fazës së vlerësimit ka kërkuar sqarime shtesë sipas neit 59 dhe 72 të LPP-se tek Operatori ekonomik ankues OE “Gëzime S. Gashi B.I.”, dhe me dt. 06.11.2023 operatori ekonomik ankues ka kthyer sqarimet tek Autoriteti Kontraktues, si në vijim:

**Të nderuar/a,**

Në përgjigje të kërkesës tuaj, të bashkangjitur në e-prokurim i gjeni këto dokumente shtesë:

- PD- Formulari i Deklarimit Vjetor dhe Pageses për Tatim në të Ardhurat Personale, në të cilin të ardhura bruto për vitin 2022 janë 175,484.27 €. Për sqarim vlera 175,484.27 € është vlera pa TVSH bazuar në rregullat e ATK. Vlera totale e qarkullimit për vitin 2022 për OE Gëzime S. Gashi ka qenë 207,071.44 € dhe për ta konfirmuar këtë qarkullim të realizuar të bashkangjitur e gjeni qarkullimin bankar për vitin 2022 të konfirmuar nga banka në të cilën e ka llogarin OE Gëzime S. Gashi.
- OE Gëzime S. Gashi nuk ka qarkullim në vitin 2020 dhe 2021;
- Kontratat dhe referencat e bashkangjitura gjithashtu e konfirmojnë qarkullimin e cekur më lartë.

Nga përshkrimi i mësipërme rezulton se Operatori Ekonomik ankues përmes dëshmisë së ofruar nuk ka përmbushur totalin e qarkullimit të kërkuar nga Autoriteti Kontraktues përmes dëshmisë së ATK-së.

Kërkesa dhe Dëshmia e kërkuar nga Autoriteti Kontraktues në dosje të tenderit ka qenë e çart se duhet të plotësohet kriteri i qarkullimit në 3 vite (2020, 2021 dhe 2023) në shumën jo më pak se 200.000.00€ dhe duhet të dëshmohet me deklaratën vjetore të dorëzuar në Administratën Tatimore të Kosovës.

Në këtë mënyrë operatori ekonomik ankues nuk ka përmbushur kriterin e përzgjedhjes tek kërkesat ekonomiko/financiare dhe nuk është në harmoni me nenin 59 pika 4, citat neni:

*“Autoriteti kontraktues dotëkonsiderojnjëtendersi tëpërgjegjshëmvetëmnësetenderinë fjalëështë nëpërputhshmërimetëgjithakërkesatëparashtruaranë njoftimine kontratësduhenë dosjetenderit”.*

Bazuar në sqarimet lartekura, kërkesat e dosjes së tenderit, ofertën e operatorit ekonomik ankues, sqarimet shtesë, dhe të gjitha shkresat e lëndës konstatojmë se pretendimi ankimor i operatorit ekonomik ankues është i pabazuar.

Eksperti shqyrtues rekomandon panellin shqyrtues që ankesa e operatorit ekonomik të refuzohet si e pa

bazuar dhe të mbetet në fuqi vendimi i AK-së i datës 23.11.2023.

**Sqarim:**

Raporti i ekspertit nuk paragjykon ecurin e metejme të aktivitetit të prokurimit nëse për të njëjtin aktivitet të prokurimit kemi edhe ankesa tjera të cilat mund të ndryshojnë ecurinë e aktivitetit të prokurimit.

**Duke u bazuar në sqarimet e lartpërmendura eksperti shqyrtues i propozon panelit shqyrtues:**

- Ankesa e Operatorit Ekonomik ankues “Gëzime S. Gashi B.I” është e pa BAZUAR,
- Të mbetet në fuqi NJOFTIMI MBI VENDIMIN E AK-së i datës 23.11.2023

**REKOMANDIMI I EKSPERTIT SHQYRTUES**

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertizës ti dorëzohet:

- Autoritetit Kontraktues – **AGJENCIA PËR ARSIM DHE AFTËSIM PROFESIONAL DHE ARSIM PËR TË RRITUR**
- Panelit Shqyrtues – OSHP
- OE ankues – **Gëzime S. Gashi B.I.**



**Gani Nekaj**